



**ORDENANZA REGULADORA DA TAXA POR INSTALACIÓN DE POSTOS, BARRACAS, CASETAS DE VENTA, ESPECTÁCULOS, ATRACCIÓNS OU RECREO, SITUADOS EN TERREOS DE USO PÚBLICO LOCAL, ASÍ COMO, INDUSTRIAS DE RÚA E AMBULANTES E RODAXE CINEMATOGRAFICA**

**Artigo 1.- Concepto**

De conformidade co previsto no artigo 58 en relación co artigo 20.3 n), ambos da Lei 39/1988, do 28 de decembro, reguladora das Facendas Locais, segundo a modificación establecida polo artigo 66 da Lei 25/1998, do 13 de xullo, de modificación do Réxime Legal das Taxas Estatais e Locais e de Reordenación das Prestacións Patrimoniais e de Carácter Público, este Concello establece a Taxa por utilizacións privativas ou aproveitamentos especiais do dominio público local por “Instalación de postos, barracas, casetas de venda, espectáculos, atraccións ou recreo, situados en terreos de uso público local así como industrias de rúa e ambulantes e rodaxe cinematográfica”, especificado nas Tarifas contidas no apartado 2 do artigo 3º seguinte, que se rexerá pola presente Ordenanza.

**Artigo 2.- Obrigados ao pagamento**

Están obrigados ao pagamento da taxa regulada nesta Ordenanza, as persoas ou entidades a favor das cales se outorguen as licenzas, ou quen se beneficie do aproveitamento, se se procedeu sen a oportuna autorización.

**Artigo 3.- Contía**

1. A contía da Taxa regulada nesta Ordenanza será a fixada nas tarifas contidas no apartado seguinte.
2. As tarifas da Taxa serán as seguintes:
  - **0,300506 euros/m2 día**
  - Posto mínimo 4 m2: **1,20 euros**
  - Reserva de postos: **0,6 euros** adicionais
  - A venda de produtos do país, terá unha bonificación do **50 por 100** sobre a cota.

**Artigo 4.- Normas de Xestión**

1. As cantidades esixible de acordo coas tarifas liquidaranse por cada aproveitamento solicitado ou realizado e serán irreducibles pola temporada autorizada.

a) Os emprazamentos, instalacións, postos, etc, poderán sacarse a licitación pública antes da celebración das Feiras, e o tipo de licitación en concepto de taxa



## CONCELLO DE FOZ (LUGO)

Avd. Álvaro Cunqueiro, 24 27780 Foz (Lugo)

Tlf: 982.14 00 27 Fax: 982.14 16 00

mínima que ha de servir de base, será a contía fixada nas tarifas do art. 3.2 desta Ordenanza.

b) Procederáse con antelación á subhasta á formación dun plano dos terreos dispoñibles para ser emendados, numerando as parcelas que teñan que ser obxecto de licitación e sinalando a súa superficie. Así mesmo, indicaranse as parcelas que poden dedicarse a coches de choques, circos, teatros, restaurantes, neveirías, bisuterías, etc.

c) Se algún concesionario do aproveitamento empregase maior superficie que a que lle foi adxudicada na subhasta, satisfará por cada m<sup>2</sup> utilizado de máis o 100 por 100 do importe de poxa, ademais da contía fixada na tarifa.

2.a) As persoas ou entidades interesadas na concesión de aproveitamento regulado nesta Ordenanza e non sacado a licitación pública, deberán solicitar previamente a correspondente licenza, realizar o depósito previo a que se refire o art 5.2, e formular declaración na que conste a superficie do aproveitamento, os elementos que se van instalar, así como un plano detallado da superficie que se pretende ocupar.

b) Os servizos técnicos deste Concello, comprobarán e investigarán as declaracións formuladas polos interesados, concedéndose as autorizacións de non encontraren diferenzas coas peticións de licenzas; de darse diferenzas, notificaranse as mesmas ós interesados e fixaranse, de se-lo caso, as liquidacións complementarias que procedan, concedéndose as autorizacións unha vez emendas as diferenzas polos interesados e, no seu caso, realizados os ingresos complementarios que procedan.

c) No caso de denegarse as autorizacións, os interesados poderán solicitar a este Concello a devolución do importe ingresado.

3. Non se ha de consentir ningunha ocupación da vía pública ata que se aboase e obtivese polos interesados a correspondente licenza.

4. As autorizacións terán carácter persoal e non poderán ser cedidas ou subarrendadas a terceiros. O incumprimento deste mandato dará lugar á anulación da licenza, sen prexuízo das contías que corresponda aboar ós interesados.

### **Artigo 5. Obrigación de pagamento**

1. A obrigación de pagamento da taxa regulada nesta Ordenanza nace:

a) Tratándose de concesións de novos aproveitamentos da vía pública, no momento de solicitar a correspondente licenza.

b) Tratándose de concesións de aproveitamentos xa autorizados e prorrogados, o día primeiro de cada un dos períodos naturais de tempo sinalados na Tarifa.



## CONCELLO DE FOZ (LUGO)

Avd. Álvaro Cunqueiro, 24 27780 Foz (Lugo)

Tlf: 982.14 00 27 Fax: 982.14 16 00

### 2. O pagamento da taxa realizarase:

- a) Tratándose de concesións de novos aproveitamentos, por ingreso directo na Tesourería Municipal ou onde establecece o Concello, pero sempre antes de retirar a correspondente licenzas.

Este ingreso terá carácter de depósito previo, de conformidade co disposto no artigo 26.1 a) da Lei 39/1988, do 28 de decembro, modificado pola Lei 25/1998, do 13 de xullo, quedando elevado a definitivo ó concederse a licenza correspondente.

- b) Tratándose de concesión de aproveitamentos xa autorizados e prorrogados, unha vez incluídos nos padróns ou matrículas desta taxa, por trimestres naturais, nas oficinas da Recadación Municipal, desde o día 16 do primeiro mes do trimestre ata o día 15 do segundo mes.

### **Disposición final**

A presente Ordenanza que consta de cinco artigos, entrará en vigor unha vez publicada no BOP e transcorrese o prazo a que se refire o artigo 70.2 en relación co 65.2 da Lei 7/1985, do 2 de abril, Reguladora das Bases do Réxime Local, e comezará a aplicarse a partir do día un de xaneiro de mil novecentos noventa e nove, permanecendo en vigor ata a súa modificación ou derogación expresa.